

## leòmainn



## dealan - dè

Dè bhitheas a' tachairt air oidhche shamhraidh nuair a tha an solas air agus an uinneag fosgailte?


Tha an solas a' tarraing meanbh-fhrìdean 's gu h-àraidh leòmainn. Bithidh meanbh-fhrìdean a' cadal tron gheamhradh ann an sgorran agus ann an tuill. Bithidh feadhainn aca a' bàsachadh aon uair 's gu bheil iad air an uighean a bhreith. Bithidh an àl a' tighinn às na h-uighean sin an ath earrach aon uair 's gun till am blàths.

'S e ainmh-eòlas a chanas sinn ri sgrùdadh bheathaichean agus 's e ainmh-eòlaiche a chanas sinn ri duine a bhitheas a' dèanamh an sgrùdaidh. 'S e luibh-eòlas a chanas sinn ri sgrùdadh lusan agus 's e luibh-eòlaiche a bhitheas ris an obair sin.

Bithidh dealan-dè a' sgiathalaich ris an là agus bithidh leòmann a' tighinn a-mach ris an oidhche. A bheil thu a' faicinn rudan a tha diofraichte mun deidhinn? Bithidh leòmainn a' falach bho eòin ris an là. Bithidh iad a' suidhe air stocan chraobhan agus tha na dathan anns na sgiathan aca a' dèanamh breug-riochd mhath dhaibh.

Ⓒ Tarraing dealbh de dh'ialtag agus luch. Ciamar a tha iad diofraichte?

Bithidh luchainn mar ialtagan a' tighinn a-mach air an oidhche ach chan eil radar aca. Tha iad a' cleachdadh an sùilean airson biadh a lorg agus tha an claisneachd mhath a toirt rabhadh dhaibh bho chunnart. Tha cailleachan-oidhche aig a bheil fradharc agus claisneachd mhath cuideachd a' glacadh cuid dhuibh. Tha cluasan na caillich-oidhch' air am falach fo a h-itean. Tha cailleachan-oidhche gu math sàmhach air iteag ann an dòchas gun tig iad air luch gun fhiosd ach chan àbhaist dhaibh a bhith luath gu leòr airson ialtagan air iteag a ghlacadh.



Bithidh ialtagan a' glacadh agus ag ithe leòmainn nuair a tha iad a' sgiathalaich mun cuairt air an oidhche. Ged a tha e dorch agus ged is e sùilean beaga biodach a th' annta, tha ialtagan a' lorg am biadh le bhith a' cleachdadh seòrsa de radar. Tha iad a' dèanamh sgiamh àrd a tha a' tilleadh air ais thuca mar mac-talla nuair a bhuaileas e leòmann air iteag agus tha iad a' cluinntinn seo le an cluasan mòra.

Chan eil ach dà sheòrsa ialtag cumanta ann an ceann a tuath na h-Albainn — an ialtag chumanta agus an ialtag fad-chluasach. Bithidh iad a' cadal ann an tuill no air lobhtan thaighean ris an là. Na gabh eagal gu-tà oir chan eil cron ann an ialtagan.



cluais ialtaig